



#### Members of the Board

Beth Albiani  
Nancy Chaires Espinoza  
Carmine S. Forcina  
Chet Madison, Sr.  
Dr. Crystal Martinez-Alire  
Anthony "Tony" Perez  
Bobbie Singh-Allen

**Christopher R. Hoffman**

Thawj Tsavxwm

(916) 686-7700

FAX: (916) 686-7787

EMAIL: [suptoffice@egusd.net](mailto:suptoffice@egusd.net)

Robert L. Trigg Education Center  
9510 Elk Grove-Florin Road, Elk Grove, CA 95624

Lub Kaum Ib Hli 22, 2019

Nyob Zoo Elk Grove Unified Cov Niamtxiv thiab Tsevneeg,

Nyob rau tsab ntawv uas kuv nyuam qhuav sau mus rau cov tibneeg ua haujlwm, kuv qhia rau lawv txog qhov xwmtxheej thiab kev tu siab uas tau tshwmsim nyob rau nram Saugus High School tias peb sawvdaws yeej nrog lawv tu siab thiab mob siab. Kom koj paub hais tias peb lub District yeej muaj vibthis saib rau kev ruaj nres thiab kev tiv thaiv, peb muaj qhov system thiab muaj kev xyaum los mus pab tiv thaiv kom muaj kev thaj yeeb nyab xeeb rau cov tub ntshais thiab cov tibneeg ua haujlwm. Peb muaj ib pab team uas yeej mob siab thiab siv zog saib rau kev ruaj nres thiab kev tiv thaiv kom muaj kev thaj yeeb nyab xeeb thiab tseem muaj lwm yam kev pab los ntawm cov tub ceev xwm thiab cov koomhaum pab thaum muaj xwmtxheej ceev, ib qhov kev pab ntshais yog muaj kev pab saibxyuas seb puas muaj ntaub ntawv sau hem yuav ua phem licas rau sau huabcua (cyber-intelligence) nyob rau hauv thiab. Peb yeej muaj ob peb yam vibthis rau nej kom qhia tuaj txog tej kev txhawj ntsai uas nej muaj thiab kuv ua tsaug rau cov uas twb tau qhia tuaj (file) tuaj sub peb thiab li ua tau haujlwm sai. Kuv nrog rau kuv cov tibneeg ua haujlwm thov xa lo lus txhawb zog rau lub tsev kawm ntawv thiab lub district Santa Clarita hais tias, peb hlub lawv thiab nrog lawv tu siab heev.

Kev ua loj hlob nyob rau tamsim no mas yeej muaj ntau yam kev nyuaj dua yav tas los thiab peb yuav tsum tau ua haujlwm uake los pab kom muaj ib lub chaw uas cov nyuam muaj kev thaj yeeb nyab xeeb, muaj kev saib xyuas zoo thiab muaj kev txhawb rau. Nyob rau hauv peb lub District peb muaj cov tibneeg uas muaj txojkev hlub, muaj kev txawj ntse, thiab tos ntsoov yuav mloog thiab kawm thiab qhov tseem ceeb tshaj, yuav pab tsim kom muaj kev sis raug zoo nrog rau cov tub ntshais thiab lawv tsevneeg. Nws yog kuv tes haujlwm uas yuav pab cov tsevneeg uas muaj cov kawm preschool lossis cov kawm qib 12 kom muaj kev sis txuas zoo nrog rau lawv lub tsev kawm ntawv. Kuv yog ib tus uas ntseeg hais tias, yog tus tub ntshais ntawd muaj kev sis txuas tau nrog mas tus ntawd thaj yuav muaj kev vammeej rau txojkev kawm. Cov kev sis txuas tau li no yuav pab kuv nyob rau hauv tsev kawm ntawv thiab kuv yeej pom kiag hais tias kev sis txuas tau li no pem tsev kawm ntawv zoo heev thiab hloov tau kuv ob tus tub licas.

Los ntawm tej uas tau hais tas los no, lub sijhawm no yog ib lub sijhawm uas muaj kev zoo siab thiab muaj kev txhawb nqa nrog rau kev nyuaj siab. Thov kom muaj kev sis txuas nrog rau thiab nco ntsoov ua tib zoo saib seb leejtwg yog tus uas muaj kev nyuaj siab. Siv sijhawm los mus nrog tus neeg ntawd tham yuav hloov tau tej yam ntawm nws. Tsi muaj ib yam dabtsi uas yuav tseem ceeb tshaj dua li qhov uas peb cob qhia thiab pab cov hluas, thiab kuv yuav siv zog ua haujlwm nrog rau cov tsev kawm ntawv thiab cov tsevneeg kom peb yuav ncau cuag txhua tus nyuam tej kev tu ncau txhua hnuv.

Tos peb paub xwb ces 2020 twb los txog lawm. Thaum pib xyoo tshiab no nws yog ib qhov tseem ceeb heev uas twb pib tsim tej kev kom nyiaj txiag rau lwm xyoo. Kuv ua cov niamtxiv tsaug rau lawv kev koomtes rau tej kev sojntsuam rau LCAP thiab tuamyem nyob rau hauv cov tsavxwm School Site Councils thiab lwm pab tsavxwm tsi hais nyob ntawm lub tsev kawm ntawv thiab nyob rau hauv district. Koj tej tswvyim pab tuaj thiab tej uas koj pom yeej saib tseemcee heev thiab peb xav tau. Kev uas kom nyiaj txiag siv yuav pib thaum tus Tswv Xeev qhia tawm txog nyiaj txiag tau licas thaum lub Ib Hli nrab ntawd. Cov nyiaj txiag uas kom tseg ntawd yuav qhia tau rau peb hais tias lub xeev kev lagluam mus zoo licas. Tamsim no kuj muaj ob peb yam kev qhia tsi paub mee hais tias kev lagluam tseem yuav zoo licas. Cov tub txawg tub ntse uas saib txog kev ua lagluam kuj muaj ob qhov kev ntseeg raws li saib mas tejzaum kev lagluam tseem yuav mus taus thiab

lawv kuj muaj ib qhov kev ntseeg tias tejzaum kev lagluam tseem yuav rov qab poob dua. Peb mam li ua tib zoo sojntsuam qhov no thiab ua haujlwm nrog rau cov Board of Trustees thiab peb cov tibneeg hauv lub zej lub zos tej koomhaum los mus kom nyiaj txiag kom yuav ncav cuag tej kev tu ncu ntawm peb cov tub ntxhais kawm ntawv thiab cov tibneeg ua haujlwm. Thov ua tib zoo soj qab saib ntxiv txog qhov no seb yuav zoo licas.

Ua koj tsaug thiab Thov kom koj ntsib txojkev noj qab nyob zoo lub sijhawm uas so phav ntawv no ,

A handwritten signature in black ink, appearing to read 'CHRISTOPHER R. HOFFMAN', with a stylized flourish at the end.

Christopher R. Hoffman  
Thawj Tsavxwm  
Elk Grove Unified School District